



Urkunden-Sammlung zur Geschichte der auswärtigen Verhältnisse der Mark Brandenburg und ihrer Regenten

...

namentlich in Beziehung auf Anhalt, Bayern, Böhmen, ... und andere
Länder ; [Urkunden-Sammlung für die Geschichte der auswärtigen
Verhältnisse]

Riedel, Adolph Friedrich

Berlin, 1846

MCD. Des Markgrafen Friedrich Schuldverschreibung über 500 Schock Gr.
des Erzbischofs von Magdeburg wegen an Hans von Torgau, vom 19. Mai
1421.

Nutzungsbedingungen

[urn:nbn:de:hbz:466:1-56104](https://nbn-resolving.org/urn:nbn:de:hbz:466:1-56104)

MCD. Des Markgrafen Friedrich Schuldverschreibung über 500 Schock Gr. des Erzbischofs von Magdeburg wegen an Hans von Torgau, vom 19. Mai 1421.

Wir fridrich etc. Bekennen fur vns vnd vnser erben, das wir von des erwirdigsten In got vaters hern Gunthers erzbischoffs czu Magdeburg vnsern heren vnd lieben ohnen wegen dem Edelen hern hanfen von torgaw vnsern lieben getrewen vnd seinen rechten erben schuldig sein von rechter schulde V^o. schock guter behemischer groschen, die wir odir vnser erben dem gnanten hern hanfen vnd seinen erben bezalen sollen vnd wollen In vnser Stete ein Berlin oder mittenwalde, wo Im das alre ebenst ist, nach datum diesszes brieffs vff diessen nehstkomen den pfingsten vngeuerlich verczen tage daruor odir darnach ane alreleie hilferede vnd ane seinen schaden. Wers abir sache das wir gnanter marggraff fridrich odir vnser erben dem gnanten vnsern lieben getrewen vnd seinen erben uff die gnante czyt die obgnante V^o. schok nicht bezalten, was redeliches schaden er odir seine erben darvmb teten oder nemen, czu cristen oder czu Juden, das wer an czerung an brieft odir an bote lone, den globe wir vnd vnser erben Im vnd seinen erben vullkomlich vnd gar czu benemen gleiche dem hoiptstule an geuerde. Ouch mag vnd sol er vnd seinen erben die obgnante summe geldis furen vnd bringen vngehingert vnd vnbekummert vor geistlich vnd werltlich gerichte, wohin Im vnd seinen erben daz eben ist, In vnserm lande. Dauor vnd vmb alle obengeschreben stücke vnd sachen wir Im vnd seinen erben czu borgen setzen diesse hirnachgeschreben vnsern lieben getrewen Als hassen vnd Achim von bredow beide Ritter, hanfen von vchtenhagen, Pawl murring, hans hake, hans Barfus, vnser houerichter, hanfen von berne, Sigemunden von knofeloich, Betke musolff vnd heinrich schulboltz. Als globen vnd reden wir gnanten burgen daruff alle obengeschriben stücke vnd artikele mit eyner rechten samenden hant genczlichen also czu halden, als oben geschriben steet, ane arg vnd an geuerde, Noch keiner mit seiner anczal sich vffzuzihen odir mit hilferede czu schutzen, die gnante summe geldes als V^o. schok sey dann dem gnanten hern hanfen odir seinen erben vullkomelichen vnd gar bezalt. Auch ob vnser burgen Jenger von todes wegen abeginge, da got fur sey, das sol Im noch seinen erben nicht hinderlich sein an vnsern lobte. Czu vrkund haben wir gnanter Marggraff fridrich fur vns vnd vnser erben vnser Ingelzigil vnd wir gnante burgen als etc. ouch vnser Ingelgele mit vnser wissenheit laszen hangen an diesssem brieff. Geben czum Berlin, am dinstage fur corporis Christi Anno etc. XXI^o.

Nach dem Churm. Lehnscopialbuche des R. Geh. Kab.-Archives XV, 47.

MCDI. Markgraf Friedrich von Brandenburg stiftet einen Waffenstillstand zwischen dem Deutschen Orden in Preußen einerseits und dem Könige Wladislaw von Polen, Alexander Großherzoge von Litthauen und Johann und Semovit Herzögen von Masowien andrerseits, am 19. Juni 1421.

Nos fridericus, dei gratia Marchio Brandenburgensis, sacri Romani Imperii archicamerarius et Burgravius nurenbergensis, tenore presentium Recognoscimus, quod ad